


# Woosoo dat wóóter in d' säj solt is

'n ol fräisk ferhóól  
fan näjs upskreeven döör

Oen Diirk Feldman





2. uplóoëğ

©2024 Onno Dirk Feldmann

utgever:

Onno Dirk Feldmann

Rajenstr. 68

26810 Westoverledingen


drük:

epubli - 'n denst fan d' neopubli GmbH, Berlin


Bibljoogróófsk inf'rmóósje fan d' Düütsk Nóósjenóólbibtäik: Däi Düütsk Nóósjenóólbibtäik ferbaukt disser publikóósje; nibber bibljoogróófsk dóóten bünt up 't internet oover <http://dnb.d-nb.de> t' ferkriigen.

[oostfraeisk.org](http://oostfraeisk.org)


D'r was insent 'n läief kreegel fent, däi haar niks up d' weerd  
buuten 'n blien bäep un 'n skranner küen. Doo häi tau d' skaul  
uut kwam, wur häi 'n skeepsjung un sul up siin êerst törn góón.  
Doo sağ h' woo siin näej kamróóden mit skier geld spööldent,  
un häi haar niks, näit ins! 'n lütjet daajtje.




Dat mook hum läip biidröyvt, dat häi 't bii bäep klóóğde. Sái biisun sük 'n setje, dan tjükselde s' achter up höör kóómer, hool 'n lütje oel möölen fandağ, gaf s' dái fent un see: »Doo duu teegen disser möölen säeğst fan: Möölen möölen móól mii, rôod dukóót dank ik dii! dan móólt s' dii eemer dukóóten, woo fööl duu hebben hebben wult; un doo duu säeğst: Möölen möölen, stóó nuu stiel, heb al miin wiel; skaajt sái uut t' móólen; un dūs kaast duu dii âal dingen, dái duu dii wünskern daajst, fan dái möölen móólen lóóten. Man fertel nūms d'r fan, anners geböört 'n groot unlük!«




Däi fent biidankde sük bii siin bäep, see fan forwal un gung up 't skip. Doo nuu däi kamróóden al weer höör skier geld um d' hâan haarent, stelde häi sük in 'n düüster hauk un see: »Möölen möölen móól mii, rôod dukóót dank ik dii!« Doo mool däi möölen eemer rôod dukóóten, däi klöyternd in siin leeren pôol fullent. Un doo däi pôol ful sat, see häi man: »Möölen möölen, stóó nuu stiel, heb al miin wiel«



Nuu was häi fan âal kamróóden dâi rîikst; un doo 't h  r âal t'h  op an sp  is undbrook, doo dat 's m  ols geb  orde, um dat d  i skeepskumtant l  ip n  oterġ was, see h  i bloot: »M  olen m  olen m  ol mii frisk bollen dank ik dii!« D  s mool s  i soo l  ang, bit dat h  i fan 'n anner spr  okje see; un wor h  i anners no grap an haar, als mool d  i l  tje m  olen.




Alt'meeds frogent hum däi kamróóden, wor häi däi môoj sóóken weġ kreeġ; man doo häi see, häi dürs 't näit säegen, drungent säi d'r näit up, f'dan doo häi 't âal eerelk mit höör dälde. 'T dürs näit lâang, doo kreeġ däi kwóóed skeepskumdant d'r wind fan, un up 'n óóvend kumdäärde häi däi skeepsjung binnen siin kejüüet un see: »Hóól diin möölen un móól mii frisk hóóntjes!«






Däi fent gung tau un broch 'n körf frisk hóóntjes. Man d'r was däi godlöes keerl näit t'free mit: Häi slooğ däi fent soo biidroyvt låang, dat däi hum däi möölen hool un hum see, wat häi säegen mus, doo s' móólen sul; man däi anner spröök, däi me säegen mus, doo s' uutskaajen sul, leerde häi hum näit, un däi skeepskumdant doch d'r ook häil näit um, hum t' fróógen.




As däi fent lóóterweġ allenerġ up 't rauf stun, leep däi kumdöör nóó hum t' un stöt hum in d' säj un doch näit d'r um, woo fööl söerġ un mâajt fóóer un mauter in hum stopt haarent un woo däi blien bäep hoopde dat häi weeruem kwam. Um âal dat doch häi näit, man stöt hum in d' säj un see, dat häi melöört haar, un dücht'de dat 't d'r mit gaud was.



D'r nóóst gung häi up siin kejüüet, un doo hum solt undbrook see häi teegen däi lütje möölen fan: »Möölen möölen móól mii wiet soltkörrels dank ik dii!« Doo mool s' eemer wiet soltkörrels. Man doo däi nâap ful was, see däi skeepskumdant: »Dat langt!« Man säi mool altiid wiider, bit däi häiel kejüüet ful was.



Doo foot häi däi möölen an, dat häi s' ooverstüer goojen kun, man kreeĝ soo 'n slaĝ, dat häi biiduust up d' grund ful. Un doo mool s' altiid wiider, bit dat skip an 't sinken fung, un noojt haar grooterder nood up 'n skip west. Up 't läest nam däi skeepskumtant siin gâaud sweert un tohoo däi möölen; man kiik insent! Uut elker stük wur 'n lütje möölen, däi net as däi oel was, un âal möölens moolent eemer wiet soltkörrels.



Doo biiful dat skip siin lot: 'T fergung mit man un muus un âal möölens. Man däi moolent unner up d' grund no altiid eemer wiet soltkörrels, un doo duu hör ook däi ræcht spröök taurapen deest, säi liegent soo däip, dat s' dat näit höören kunnent.

Kiik insent! D'r is dat wóóter in d' säj solt fan.

